

Aruba Lions Club a celebra 100 aña cu desvelo di monumento dilanti Aeropuerto

ORANJESTAD - Recientemente den presencia di relacionista publico di aeropuerto sr. Jan Hendrick Croes, Lion Maiky Croes, life member, prensa y miembronan di Aruba Lions Club a haci desvelo e monumento nobo di Aruba Lions Club.

E actual president, Lion Bibi Arends a dirigi palabra na e publico presente mencionando entre otro cu Aruba Lions Club ta celebrando e aña aki su di 70 aña di existencia. Pa shete decada Aruba Lions Club ta ofreciendo servicio gratuito na e comunidad di Aruba. Tambe cu Lion Internacional ta celebrando su di 100 aña di existencia. Pa e acto historico aki a pidi

un Lion sr. Maiky Croes, cu tin casi 40 aña caba cu ta haciendo trabao boluntario. Fellow Maiky den pasado a cubri tur funcion den club, tabata zone chairman, past president y awor life member. Maiky a desvela e monumento y Aruba Lions Club a laga traha un plachi cu su number conmemorando e dia maraviyoso aki.

Por ultimo Aruba Lions Club ta gradici tur instancia y persona cu a yuda pa haci esaki un realidad. Aruba Lions Club lo sigui traha pa comunidad di Aruba y ta anuncia cu lo bay tin mas actividad pendiente pa e aña Leonistico aki relaciona cu e celebracion di 70 aña y ta pidi pa pueblo en general keda pendiente.

